

GEMENGEROT

VUM 28 JUNI 2024

Present: de Buergermeeschter Félix Eischen (CSV), d'Schäfte Marc Bissen (LSAP) a Romain Kockelmann (CSV), d'Gemengeconseillere, Guy Breden (CSV), Maryse Frantzen (DP), Natacha Koch (CSV), Guy Kohlen (CSV), Patrick Krecké (DP) Claudine Meyer-Deitz (LSAP), Max Molitor (LSAP) an Nathalie Noesen-Heintz (LSAP)

Entschëllegt: Cheryl Binck-Geschwind (CSV), Larry Bonifas (déi gréng), Gemengeconseillere

Ufank vun der Sëtzung: 08.30 Auer

All Punkte vum Ordre du Jour, mat Ausnam vum Punkt 10, goufen eestëmmege uegholl.

GESCHLOSSE SËTZUNG

Erklärungen iwwert de Restantenetat 2023 vum Receveur

1. Personal Ugeleeënheeten – Kommunalen Erzieungs- an Empfangdëngscht fir Kanner

1.1. Opléisung vun engem Kontrakt während der Proufzäit vun engem Gemengenemployé an der Kategorie B, Loungrupp B1, Ënnergrupp Erzieung a Psycho-Soziales

De Gemengerot léist unhand vun engem geheime Vott den Aarbechtskontrakt während der Proufzäit vum engem Educateur, agestallt mat enger Täche vun 90% (36 Stonnen/Woch), ënnert dem Statut vun engem Gemengenemployé an der Kategorie B, Loungrupp B1, Ënnergrupp Erzieung a Psycho-Soziales, op.

1.2. Ernennung vun engem Gemengenemployé an der Kategorie A, Loungrupp A2, Ënnergrupp Erzieung a Psycho-Soziales

De Gemengerot ernennt en Educateur gradué fir de kommunalen Erzieungs- an Empfangdëngscht fir Kanner mat enger Täche vun 100% ënnert dem Statut Gemengenemployé an der Kategorie A, Loungrupp A1, Ënnergrupp Erzieung a Psycho-Soziales

1.3. Modifikatioun vun enger Täche vun engem Gemengenemployé an der an der Kategorie D, Loungrupp D2, Ënnergrupp Erzieung a Psycho-Soziales

De Gemengerot decidéiert Täche vun engem Gemengenemployé beim kommunalen Erzieungs- an Empfangdëngscht, an der Indemnitéitsgrupp D, Loungrupp D2, Ënnergrupp Erzieung a Psycho-Soziales vun 18 Stonne pro Woch op 16 ab dem 01 September 2024 ze kieren.

1.4. Nominatioun vun engem Gemengenemployé an der Kategorie C, Loungrupp C1, Ënnergrupp Erzieung a Psycho-Soziales

De Gemengerot ernennt e Gemengenemployé an der Kategorie C, Loungrupp C1, Ënnergrupp Erzieung a Psycho-Soziales fir de kommunalen Erzieungs an Empfangdëngscht fir 24 Stonnen an der Woch mat engem CDI.

2. Personal Ugeleeënheeten – Gemeng Kielen

2.1. Promotioun vun engem Gemengebeamten an der Grad 14 an der Kategorie A, Loungrupp A2, Ënnergrupp besonnesch Zoustännegkeet

De Gemengerot accordéiert engem Gemengebeamten d'Promotioun an der Grad 14 an der Kategorie A, Loungrupp A2, Ënnergrupp besonnesch Zoustännegkeet ab dem 1ten Juli 2024.

2.2. Promotioun an der Grad 13 vum engem Gemengebeamten an der Kategorie B, Loungrupp B1, Ënnergrupp – Administratives

De Gemengerot accordéiert engem Gemengebeamten d'Promotioun an der Grad 13, an der Kategorie B, Loungrupp B1, Ënnergrupp – Administratives ab dem 01 August 2024.

ËFFENTLECH SËTZUNG

KOMMUNIKATIOUNEN

Den Här Félix Eischen, Buergermeeschter (CSV) deelt mat dass an der haiteger Sëtzung d'Madamm Cheryl Binck an den Här Larry Bonifas entschëllegt sinn. D'Conseillere kruten den Ordre du jour vun deser Sëtzung all geschéckt an dofir gëtt proposéiert esou op deem ze schaffen. Wat och vun alle Particpanten approuvéiert gëtt.

D'Madamm Nathalie Noesen-Heintz (LSAP) feliciteert dem Schäfferot, dem Service MarCom, dem informatische Service an dem Regiebetrieb fir de gelongen Nationalfeierdag. Et war e schéint Fest, wat déi groussherzoglech Koppel, d'Bierger an d'Visiteuren nach laang wäerten an Erinnerung behalen. Si selwer wëll awer virun allem och der Madamm Danielle Hartert-Theis an dem Léierpersonal feliciteere fir déi aussergewöhnlech Performance déi si mat der grousser Unzuel vu Kanner duergeleucht hunn an natierlech och de Veräiner Merci soen déi eng ganz onkomplizéiert Zesummenaarbecht mat hier haten an déi sech och ganz flott der groussherzoglecher Koppel presentéiert hunn.

Den ORT Guttland huet seng Kollaboratiounen an enger rezenter Versammlung virgestallt deen ënnert anerem de Porteur du Projet wäert si vum Projet Leader rondrëm d'Vallée des sept châteaux, sou wéi och vum „Slow Souvenir“. D'Kollaboratioun vun de Gemenge besteet doranner Duerhotelen opzemaachen an do hunn sech d'Gemenge Sëll, Käerch a Groussbus-Wal gemellt. Et ass schued dass d'Gemeng Kielen net och bei esou engem Projet mat dobäi ass mä vläicht ass dat iergendwann eng Kéier de Fall. Nach e flotte Projet vun hinnen nennt sech „Tiermchen“, bei deem e Concours lancéiert ginn ass fir mam „Ordre des Architectes et des Ingénieurs-Conseils“ (OAI) zesumme Logementen ze kreieren déi zurzäit eischer op enger Plage an Holland ze fannen sinn. Et handelt sech ëm holze Chalet mat vill Fënsteren déi relativ kleng a mam Standard amenagéiert sinn an déi gebaut gi fir e previsionelle Präis vun 91.663,70€ HTVA fir eng Koppel a fir eng Famill vu 4 Leit fir e Präis vun 135.711,40€. Et soll eng Aart Cité ginn an där e puer Haisercher beieneen op engem klengen Terrain sollen opgeriicht ginn. Am Moment leeft do just e Concours fir ze kucke ween sech do mell fir esou en Terrain zur Verfügung ze stellen.

Den ORT huet och nach 2 nei Guttland- Trails ze verzechnen. An zwar den Trail „Déck Lee“ zu Kéiber wou och de Marketing

dofir elo am gaangen ass an den zweeten Trail heescht „Riedergrënn“ zu Rued bei Ell. Den Trail vun der Gemeng Kielen ass an der Maach. Et sinn och Restrukturatiounen an d'Markéierung vum de Weeër, Wanderweeër an de Gemengeweeër um Programm. De Slow-Cycling gëtt och promovéiert fir dass Touristen sech éischter mam Velo duerch eist Land beweegen. Dëst Joer gëtt et och eng nei Versioun vum Vëlosummer, wou och all d'Informatiounen um Internet-Site vum Vëlosummer ze fanne sinn. Mat de Signalisatioun vum Vëlosummer dinn se sech nach ëmmer bësse schwéier, mä d'Gemenge kënnen do hier Propositionen eraginn. Et ass an deem Kontext wichteg ze erwänen dass de PC 14 nach ëmmer net weidergeet op der Kaart kann ee gesinn dass den Tuer op eemol zu Keespelt ophält.

Et ginn och Studente gesicht fir vu Juni bis September déi verschidden touristesch Sitten ofzedecken an fir dat Ganz fënnt eng Formatioun statt.

De Service vun den Eventer soll d'„Guided Summer Tours“ erëm am Buet an op eise Medie verëffentlechen.

An der Regioun Weste sinn 412.000 Nuechten (Guttländ) verbruecht ginn dat sinn 10% méi wéi 2019. Touriste sinn haaptsächlech aus eisen Nopeschlänner, 73,2% vun de Leit hunn an Hotelle geschlof déi aner op Camping, Airbnben asw.

Den Här Guy Kohlen (CSV) deelt e puer Informatiounen iwwert den Office social Mamer mat. De 27 Juni 2024 war d'Iwwerreechung vun de Schlësele fir 7 nei sozial Wunnengen, déi den Office social iwwerhëlt, (7 vun am Ganzen 9) zu Bartreng. Déi Wunnenge sinn och laut de Critère schonn attribuëiert a ginn am laf vum Mount Juli alleguerter beluecht. Déi zwou aner kommen eréischt Ufank Hierscht dobäi.

Virun enger Woch war an der Stad eng Konferenz iwwert Thematik d'„Adresse de référence“, des gouf organiséiert vun der Entente des Offices sociaux (EOS). Un der Konferenz hunn ënnert anerem deelgeholl d'Madamm Claudia Monti, den Här Jean-Lou Hildgen vum Inneministère, Leit vum Familljeministère. Et ware vill Leit do an et goufen och vill Froe gestalt mä et koume wéineg Äntwerten, well dee Sujet „Adresse de référence“ ënnerschiddlech vun de Gemengen duerch d'ganzt Land gehandhaabt gëtt, opgrond well et keng entspreichend Circulaire zu dem Gesetz vun 2018 gëtt fir dat kloer ze definéieren. Dëst féiert dozou dass e gewëssen Tourismus tëscht de Gemengen entsteet, well verschiddener dat ganz rigid handhaben, respektiv Office socialen an anerer eben net. Et ginn zwou änlech grouss Gemengen am Süden déi

eng huet 90 „Adresses de référence“ an déi aner nëmmen 10. Et ass eigentlech dofir geduecht dass Mënschen ouni feste Wunnsätz sech kënnen iergendwou umelle fir kënnen hire Courier ze kréien. Dofir besteet e gewëssen Tourismus fir kënnen eng Gemeng ze fanne wou déi Concernéiert dann eng „Adresse de référence“ kréien. Dat ass zimmlech onglécklech mä et gëtt awer elo gekuckt fir d'Handhabung vum Gesetz kloer ze stellen, fir déi Saach an eng uerdentlech Bunn ze kréien. D'Madamm Claudia Monti sot dass een ëmmer mënschlech bei dëser Saach soll sinn.

Den Här Marc Bissen (LSAP) deelt mat dass de 14 Juni 2024 d'Gemeng Kielen sech dem Audit vum Naturpakt gestalt huet. Dat neit Naturpaktteam wat no de leschte Walen zesummegehalt gouf huet äifreg geschafft an huet elo déi nächst zertifizéiert Stuf erreicht an d'Gemeng erfëllt lo iwwert 52%, vun de Critèren déi am Naturpakt definéiert sinn. Dat bedeit och fir d'Gemeng Kielen dass d'Subsiden an d'Luucht ginn an sech méi wéi verduebelen. Aktuell kritt d'Gemeng 45.000€ Subsiden, am Kader vum Naturpakt an kënn an Zunkunft an de Genoss vu 130.000€ Subsiden d'Joer. Haut um 28 Juni 2024 ass den Naturpakt-Dag wou d'Gemeng eng Trophee iwwerrecht kritt.

D'Membere vum technesche Service a vum Regiebetrieb huele bei dësem Event deel fir sech kënnen weiderbilden a kënnen aner Projeten ze entdecken déi am Kader vum Naturpakt nach kënnen interessant si fir d'Gemeng Kielen.

Am Kontext vum Klimabündnis Lëtzebuerg hat d'Gemeng d'Hand ausgestreckt fir bei engem Pilot-Projet matzemaachen, wou et dorëm geet d'Kanner mam Velo an d'Schoul ze bréngen, also esou eng Aart Pedibus, ebe just mam Velo. Et gouf sech drop géeneegt eng Testwoch ze maache fir d'Kanner an d'Eltere vun Nospelt. Am Virfeld ass vun der ProVelo.lu a.s.b.l. analyséiert gi wat dee sécherste Wee ass. Do ass festgestallt ginn dass wann ee vun Nospelt kënn virum Delhaize e Geforepunkt ass, well do d'Autoen eran an erausfueren. Doropshin huet den technesche Service vun der Gemeng relativ séier an onkomplizéiert e Wee ugeluecht doen, wann ee vun Nospelt kënn, virum Delhaize lenks era geet laanscht d'Seniore-residenz a bis op de Schoulsite féiert wat deemno erméiglecht dass d'Kanner a ganzer Sécherheet bis bei d'Schoul kommen. An deem Kader, ass och e Bréif erausgaangen un d'Eltere vun Nospelt fir ze kucke wéi eng Kanner wëllen deelhuele. Dëst Event fënnt an der Woch vum 8 Juli statt. Et gouf och gekuckt fir 1 – 2 Fräiwëlleger ze fannen déi d'Kanner op hirem Wee hin an zeréck begleeden. D'Membere vu ProVelo.lu a.s.b.l.

kënnen Moies matfueren. Et gi Leit gesicht fir den Heemwee. Bis lo hunn 2 Elteren sech gemellt déi awer net déi ganz Woch disponibel sinn. Wann e Conseiller nach sollt eng Persoun kënnen, déi gäre Vëlo fiert an disponibel ass, ass e gebieden des unzeginn. D'Zil vun dësem Projet ass, dass e positive Bilan ka gezu ginn an dass dat Konzept developéiert a méi organiséiert ka gi fir et kënnen eventuell e ganz Schouljoer unzebiden. Dat positiivt ass op alle Fall dass elo e flotte Wee besteet wann ee vun Nospelt wëll bis bei d'Schoul fueren. E grouse Merci un den technesche Service.

D'Madamm Claudine Meyer-Deitz (LSAP) informéiert dass den Neurosport vun elo un op Nospelt an de Centre culturel turne geet. D'Gemeng Garnech huet gefrot op d'Gemeng Kielen net eng Solutioun hätt well si net méi kënnen am Musikssall turnen. Et war e Moment zur Sprooch komm op Ollem turnen ze goen, mä vu dass et sech ëm gesondheetlech fragil Persounen handelt déi schlecht zu Fouss sinn, ass dat wéinst dem Verkéier zu Ollem schwéier ze organiséieren, dozou kënn dass do net vill Parkméiglechkeeten sinn sou dass de Neurosport wéinstens bis September kann op Nospelt goen a wann d'Schoulen erëm turne gi muss gekuckt gi fir de Memberen en anere Sall zur Verfügung ze stellen.

Villmools Merci un d'Gemeng dass des 2 Mol de Bus bezuelt huet fir dass d'„Ligue des Associations Sportives de l'Enseignement Primaire“ (L.A.S.E.P.), bei där 97 Kanner ugemellt goufen, konnt mat ëm déi 80 Kanner zweemol an d'Coque fueren. Nächst Joer kënn eng Stonn L.A.S.E.P. dobäi, vu dass d'Gemeng 9 Spillschoulsklassen huet an déi meeht Kanner déi ugemellt sinn an d'Spillschoul ginn. D'L.A.S.E.P. ass elo dënschdes an donneschdes jeeweils vu 14h00 – 16h00. D'L.A.S.E.P. huet och en neie Moniteur, de Maurice Boreiko vum Briddel, dee 5 Joer Turnproff geléiert huet. Nächst Joer gëtt och Inklusioun an der L.A.S.E.P. ugebueden et ass nämlech gefrot gi fir e Kand do mat anzebannen wat all 14 Deeg an d'L.A.S.E.P. kënn an do huet d'Madamm Claudia Malardi an d'Madamm Claudine Meyer-Deitz sech bereet erkläert all 14 Deeg ze hëllef dass dat Kand och kann deelhuele.

De Buergermeeschter, Félix Eischen (CSV), deelt mat dass d'Kielener Gemeng sech vu senger beschter Säit gewisen huet op Nationalfeierdag, d'Fest hätt net besser kënnen lafe.

3. Restantenetat 2023

De Gemengerot approvériert d'Proposition vum Schäfferot a behält am ordinäre Service follgendes zeréck:

En reprise provisoire et à poursuivre	158 890,96€
En décharge: collège des bourgmestre et échevins (19 juin 2024)	712,93€
Total	159 603,89€

4. „Titres de Recettes 2023“

Numéro article	Libellé	Nbre titres	Montant total
2/113/706080/99001	Recettes provenant des fêtes publiques organisées par la commission du troisième âge	6	1.492,00€
2/113/706080/99003	Recettes provenant des fêtes publiques organisées par la commission de la jeunesse	10	42.782,65€
2/113/706080/99004	Recettes provenant des fêtes publiques organisées par la commission de la famille et de l'égalité des chances	4	2.451,50€
2/113/706080/99005	Recettes provenant des fêtes publiques organisées par la commission des affaires culturelles	2	1.773,00€
2/113/706080/99007	Recettes provenant des fêtes publiques organisées par la commission de l'intégration	6	14.610,42€
2/113/706080/99008	Recettes provenant des fêtes publiques organisées par la commission de l'environnement et de la circulation	2	12,00€
2/180/758000/99001	Recettes et remboursements divers	13	4.615,33€
2/242/708400/99001	Dons et collectes	2	2.125,50€
2/627/702400/99001	Vente de vieux matériel désaffecté	3	22.605,00€
2/831/748350/99001	Salles communales: Remboursement dégâts locatifs	1	57,76€
2/831/748380/99001	Autres remboursements	1	69,60€
2/860/706080/99001	Recette provenant de fêtes publiques - Fête Nationale	2	3.980,50€

De Gemengerot approvériert déi an dësem Tablo opgelëschte Recetten déi de Budget vum Joer 2023 betreffen.

5. Festleeën vum Grondsteiersaz a vum Gewerbesteiersaz fir d'Joer 2025

De Gemengerot leet fir d'Steierjoer 2025 follgenden Taux fir d'Gewerbesteier fest:

- Impôt commercial 300%

De Gemengerot leet fir d'Steierjoer 2025 follgend Tauxe fir d'Grondsteiere fest:

- Impôt foncier A 400%
- Impôt foncier B1 600%
- Impôt foncier B2 500%
- Impôt foncier B3 500%
- Impôt foncier B4 500%
- Impôt foncier B5 500%
- Impôt foncier B6 1.500%

D'Grondsteier B6, déi sech op Bauplaze bezitt, gëtt vu 500% op 1500% eropgesat fir aktiv an der Lutte géint d'Crise am Beräich vum Logement matzewierken.

6. Museksschoul – Schoulorganisatioun 2024-2025

Während senger Sëtzung vum 10 Juli 2015, huet de Gemengerot d'Konventioun iwwert d'regional Kooperatioun, déi de 01 Juli 2015, vun de Schäfferéit vun de Gemenge Bartreng, Garnech, Habscht, Kielen, Käerch, Koplescht, Leideleng, Mamer, Simmer, Stengefort a Stroossen, déi ëm d'Kreatioun vun der regionaler Museksschoul Westen handelt a vum In-

nemistère de 16 November 2015 ënnert der Nummer 57/15/CAC (45805) approvériert gouf, gutt geheescht. Dës Konventioun gesäit a sengem Artikel 3, bezüglech der Organisatioun vun de Musekscoursë, vir dass d'Gemeng Bartreng järelech virum 01 September iwwert d'Organisatioun vun de Musekscoursen, ënner Berücksichtigung vun de Coursen déi an deenen anere Gemengen organiséiert ginn, fir dat nächst Joer ofstëmmt. Deemno, hält de Gemengerot déi provisoersch Schoulorganisatioun fir d'Museksschoul an der Gemeng Kielen fir d'Schouljoer 2024/2025 fest. De Gemengerot vun der Gemeng Bartreng wäert endgültig iwwert d'Organisatioun vun de Musekscoursë fir dat künfteg Schouljoer, ënner Berücksichtigung vun de Coursen déi an der Gemeng Kielen organiséiert ginn, deliberéieren.

7. Schoulorganisatioun 2024-2025

Déi berodend Schoulkommissioun huet de 15 Abrëll 2024, a Präsenz vum Direkter vun der regional Direktioun Mamer, dem Här David Bettinelli, d'Proposition vum Schoulkomitee vun der Grondschoul vu Kielen vum 30 Mäerz 2024 bezüglech der Schoulorganisatioun 2024/2025, approvériert. Deemno, hält de Gemengerot déi provisoersch Schoulorganisatioun, Versioun vum Scolaria, vun der Grondschoul vu Kielen fir

d'Schouljoer 2024/2025 fest, sou wéi och déi komplementar Deliberatioun zur Schoulorganisatioun, de PDS (Plan de développement de l'établissement scolaire) 2024-2027 an de PEP (Plan d'encadrement périscolaire) 2024-2025.

8. Inventaire vum architektoneschen Ierwen

Den Dossier iwwert den architektoneschen Ierwe vun der Gemeng Kielen esou wéi och de Projet fir d'Klassement vun Immobilien ënnert national Kulturierwe wa während 30 Deeg an zwar ab dem 29 Abrëll 2024 am Gemengenshaus deponéiert. Déi selwecht Dokumenter waren och um Site vun der Gemeng an ënnert „Enquêtes.public.lu“ publizéiert. Eng Reunioun, fir d'Leit déi sech iwwert dëst Thema informéieren wollten, huet den 30 Abrëll 2024 an der Hall Mukeme stattfonnt. D'Observatioun bezüglech dem Projet fir d'Klassement oder der Kreatioun vu geschützte Secteuren am nationalen Interessi hu misse schrëftlech un de Schäfferot geschéckt gi bannent deene 45 Deeg ab der Publicatioun bezüglech dem Deponéiere vum Dossier am Gemengenshaus. 9 Contributiounen goufen bannent dem Delai agereecht. Unhand vun deene Contributiounen goufen en Tablo opgestallt dee mat de Propositionen vum Schäfferot vervollstännegt gouf an iwwert deen de Gemengerot soll en Avis ofginn.

Deemno, decidéiert de Gemengerot e positiven Avis zu de Propositionen an de Grënn déi aus dësem Tableau ervir ginn, ze ginn.

9. Valorlux - Conventioun

De Gemengerot approvüiert d'Konventioun fir d'Iwwerhuele vun de Käschte fir d'Kollekt, d'Botz, den Transport, an d'Veaarbechtung vu verschidde Produiten déi de 05 Juni 2024 tëschent der ASBL „Valorlux“, vertrueden duerch hiren Direkter, dem Här Claude Turping, an der Gemeng Kielen, vertrueden duerch hire Schäfferot ënnerschriwwen gouf. Allerdéngs iwwerhëlt Valorlux just déi Käschte wann d'Verwaltung vun der Gemeng Kielen d'Kollekt vu Behälter vun Iesswueren, Sachten, Behälter fir Gedréngs, Becheren, Tuten aus Plastik, Lingetten, Loftballonen an Tubaksprodukter mat Filter duerchféiert.

10. The Luxembourg Pipe Band A.s.b.l. – Deponéiere vun de Statuten

Déi de 24 Juni 2024 am „Registre de Commerce et des Sociétés“ deponéiert an enregistriert Statute vun der ASBL „The Luxembourg Pipe Band A.s.b.l.“ goufen den 01 Mäerz 2024 am Sekretariat vun der Gemeng deponéiert. D'Associatioun developpéiert a promovéiert Praxis vun der Musek, déi musikalesch Formatiounen awer och d'Erweiterung vun allen Aktivitéiten déi sech op dat musikalescht a sozio-kulturellt Liewe bezéien. Deemno hält de Gemengerot dës Statuten zur Kenntnis.

11. Special Olympics Luxembourg – Subsid

Unhand vun hirem Bréif vum 24 Mee 2024, fret „Special Olympics Luxembourg“ déi als Organisatioun fir d'Inklusioun vu Persoune mat engem Handicap agéiert, eng finanziell Ënnerstëtzung fir d'Aktivitéiten déi hier Athleeten op déi weltwäit Spiller vu „Special Olympics“ zu Turin am Joer 2025 virbereeden. Deemno decidéiert de Gemengerot 250€ un „Special Olympics Luxembourg“ ze spenden.

12. Reglement fir Taxe bezüglech der Gestiou vun den Offäll

D'Deliberatioun vum 27 Oktober 2023 unhand vun der d'Reglement fir Taxe bezüglichen den Offäll geännert huet, rensignéiert Präisser bezüglech dem Akafspräis vun de Poubellen an den Accessoiren déi net richteg sinn. Dofir mussen an der haiteger Sëtzung dës Feeler rektifizéiert ginn. Deemno hält de Gemengerot Taxen, bezüglech den Offäll fest, déi ab dem 01 Oktober 2024 applizéiert ginn.

13. Deklassement vun enger Parzell aus dem „Domaine public communal“ situéiert an der „rue de Kopstal“ zu Meespelt

D'Gemeng Kielen wëll eng Parzell mat enger Surface vu 4,29 Ar an der „rue de Kopstal“ déi sech tëschent dem Trottoir a Privatbesëtz vun enger Drëttpersoun befënnt verkafen. Allerdéngs, muss dës Parzell als éischt deklasséiert ginn, well den öffentlechen Domän kann net verkaaft ginn bis en deklasséiert ass. Deemno beschléisst de Gemengerot déi betraffe Parzell ze deklasséieren.

14. Compromisen / Akten

14.1. Compromis fir en Echange vu Parzellen an der „rue Belle-Vue“ zu Kielen

De Gemengerot approvüiert de Compromis n°2024/1/2/CP vum 05 Juni 2024 unhand vun deem MAREA S.A., vertrueden duerch hiren eenzege Administrateur dem Här Rico Marochi eng Parzell vun 0,01 Ar, situéiert um Uert „Rue Belle-Vue“ zu Kielen mat der Gemeng Kielen, géint Parzellen mat engem Total vun 0,06 Ar, tauscht. Dësen Echange fënnt zu engem Präis vun 1.000€ den Ar statt an aus dem eng Soulté vu 50€ zu Gonschte vun der Gemeng ervir geet.

14.2. Compromis fir de Kaf vum engem Gebai an der „rue de Kopstal“ zu Kielen

De Gemengerot approvüiert de Compromis n°2024/1/3/CM deen de 07 Juni 2024 tëschent der Gemeng vertrueden duerch hire Schäfferot an der Koppel Här Paul Jean Wies an d'Madamm Raymonde Elise Nilles ënnerschriwwen gouf. Unhand vun dësem Compromis keeft d'Gemeng Kielen der Koppel eng Parzell mat enger Surface vu 15,10 Ar, situéiert um Uert „Rue de Kopstal“ of. D'Gebai gëtt verkaf zu engem Präis vun 3.925.000€.

14.3. Compromis fir de Kaf vu Parzelle situéiert um Uert „In Merlsgrund“, Sektouren E de Keespelt a Meespelt

De Gemengerot approvüiert de Compromis n°2024/1/8/CM deen den 19 Juni 2024 tëschent der Gemeng Kielen, vertrueden duerch hire Schäfferot an der Madamm Liliane Thérèse Marcelle Bichler, der Madamm Carmen Rieff an der Madamm Jacqueline Rieff ënnerschriwwen gouf. Unhand vun dësem Compromis keeft d'Gemeng Kielen de Konsorten Bichler a Rieff Parzellen vun enger Surface vun am Ganzen 159,70€, all situéiert um Uert „In Merlsgrund“, Sektouren

E vu Keespelt a Meespelt of. Dës Vente fënnt zu engem Präis vu 67.641€ statt.

14.4. Kontrakt betreffend eng Servitude fir d'Pos vun enger Leitung / Kabel – Avenant

Während senger Sëtzung vum 15 Mäerz 2024, huet de Gemengerot d'Konventioun betreffend der Servitude fir d'Pos vun enger Leitung / Kabel n°APV/WEA-KK-016, déi den 13 Mäerz 2024 tëschent der Gemeng Kielen vertrueden duerch hire Schäfferot an der Societéit „Green Power Storage Solution (GPSS)“, vertrueden duerch den Här Patrick Witte, „General Manager“ an de Här Philipp Fisch, „CTO“, approvüiert. Dës Konventioun betrëfft d'Parzellen déi ageschriwwen sinn am Kadaster vun der Gemeng Kielen n° 1328/6926, mat enger Surface vun 9,92 Ar, Wiss, n°1286/6813, mat enger Surface vun 3,06 Ar, Strooss, n°1286/7217, mat enger Surface vu 6 Ar, Strooss, all situéiert um Uert „Schaar“ a „In der Gruf“, Sektouren A vu Kielen, esou wéi e Feldwee, mat enger Surface vu 5,84 Ar. Allerdéngs, approvüiert de Gemengerot an der haiteger Sëtzung den Avenant n°APV-WEA-KK-016 deen den 19 Juni 2024 tëschent der Gemeng Kielen, vertrueden duerch hire Schäfferot an der Societéit „Green Power Storage Solution (GPSS)“ ënnerschriwwen gouf. Dësen Avenant kënnt doduerch dass d'Artikelen 1, 2, 3, vun der ursprüngelecher Konventioun geännert goufe well e Verdeelungsschaf (ADD) op enger Längt vu 6 Meter vun der Parzell déi ageschriwwen ass am Kadaster vun der Gemeng Kielen n°1286/7487, mat enger Surface vun 2,46 Ar, Plaz, situéiert um Uert „In der Gruf“, Sektouren A vu Kielen operéiert gouf.

15. Lotissementer

15.1. Lotissement vun engem Terrain an der „rue de Kopstal“ zu Meespelt“ (Begrenzung vum öffentlechen Domän)

De Gemengerot approvüiert de Projet vun engem Lotissement dee vum Geometer GEOCAD Géomètres officiëls S.à.r.l. vu Lëtzebuerg fir d'Societéit COPROM S.A. vu Miersch de 27 Mäerz 2024 opgestallt gouf. Am Kader vun der Entwécklung vum „PAP NQ rue de Kopstal“ zu Meespelt, gesäit dës Projet vir en Deel vum öffentlechen Domän an e Lous ze splécken, an zwar d'Parzell n°1122/xxx1, Sektouren E de Keespelt a Meespelt, Plaz, mat enger Surface vu 4,29 Ar, situéiert um Uert „Rue de Kopstal“, well dës Parzell un d'Parzellen déi am Kadaster vun der Gemeng ageschriwwen sinn ënnert de Nummern 1122/3518 a 1126/177, déi der Societéit COPROM S.A. vu Miersch gehéieren, grenzt.

15.2. Lotissement vun engem Terrain an der „rue Nic Wirtgen“ zu Ollem

De Gemengerot approvüiert de Projet vun engem Lotissement dee vum Geometer GEO-LUX GO 3.14 S.A. vu Bartreng fir d'Sociétéit Antonissen Lux Sàrl vu Bäreldeeng den 13 Mäerz 2024 opgestallt gouf. Dëse Projet gesäit vir d'Parzell n°758/1973, Sektouen B vun Ollem, Plaz, mat enger Surface vu 6,75 Ar, situéiert um Uert „Rue Nic. Wirtgen“ an 2 Lousen ze splécken, nämlech d'Lous n°758/LOT 1, mat enger Surface vun 3,37 Ar an d'Lous n°758/LOT 2, mat enger Surface vun 3,35 Ar, fir do kënnen 2 jumeléiert Haiser ze bauen.

15.3. Lotissement vun engem Terrain um „boulevard Robert Schuman“ zu Ollem.

De Gemengerot approvüiert de Projet vun engem Lotissement dee vum Geometer GEO-LUX GO 3.14 S.A. vu Bartreng d fir d'Sociétéit ANTONISSEN LUX S.à r.l vu Bartreng

de 05 Abrëll 2024 opgestallt gouf. Dëse Projet gesäit vir d'Parzell n°720/2142, Sekiouen B vun Ollem, Plaz, mat enger Surface vun 8,13 Ar, situéiert um Uert „Bd Robert Schuman“ an zwee Lousen ze splécken an zwar d'Lous n°720/LOT 1, mat enger Surface vu 4,28 Ar an d'Lous n°720/LOT 2, mat enger Surface vun 3,85 Ar, fir do kënnen 2 jumeléiert Haiser ze bauen.

15.4. Lotissement vun engem Terrain an der „rue du Kiem“ zu Kielen

De Gemengerot approvüiert de Projet vun engem Lotissement dee vun der Sociétéit TREND HOUSE S.à.r.l. vu Bäreldeeng fir de Här Forc Alexandre den 29 Mee 2024 opgestallt gouf. Dëse Projet gesäit vir d'Parzell n°2571/5795, Sektouen A vu Kielen, Plaz, mat enger Surface vun 11,96 Ar, situéiert um Uert „Rue du Kiem“ an dräi Lousen ze splécken, an zwar d'Parzell A, mat enger Surface vu 4,42 Ar, d'Parzell B mat enger Surface vun 3,32 Ar an d'Parzell C mat enger Surface vu 4,22 Ar, fir kënnen 3 Haiser an enger Rei ze bauen.

15.5. Lotissement vun engem Terrain an der „rue d'Olm“ zu Kielen

De Gemengerot approvüiert e Projet vun engem Lotissement dee vu Geometer GEOCAD Géomètres officiels S.à.r.l. vu Lëtzebuerg fir d'Sociétéit AMER-SIL S.A. vu Kielen den 18 Abrëll 2024 opgestallt gouf. Dëse Projet gesäit vir d'Parzell déi am Kadaster vun der Gemeng ënnert der Nummer 2946/7447, Sektouen A vu Kielen, Plaz, mat enger Surface vun 229,01 Ar, situéiert um Uert „Rue d'Olm“ an zwee Lousen ze splécken an zwar d'Lous n°2946/XXX1 an d'Lous n°2946/XXX2, fir kënnen en Deel vun der Parzell op Säite vun der Elco S.A. ofzegrenzen, fir de spéidere Verkaf vun dësem Deel.

16. Confirmatioun vun dréngende Verkéiersreglementer vum Schäfferot

De Gemengerot confirméiert 9 urgent Verkéiersreglementer vum Schäfferot an zwar fir Aarbechte fir de Uschloss vu Glasfaser u Wunnhaiser fir d'Post am Domän Brameschaff zu Kielen, vum 03 Juni 2024, bis den 03 Juli 2024; fir Aarbechte fir de Uschloss vu Glasfaser u Wunnhaiser fir d'Post an der „rue de Nospelt“ zu Kielen vum 14 Juni 2024 bis de 26 Juli 2024; fir Aarbechte fir de Uschloss vu Glasfaser u Wunnhaiser fir d'Post an der „rue d'Olm“ zu Kielen vum 14 Juni 2024 bis de 26 Juli 2024; fir Aarbechte fir de Uschloss vu Glasfaser u Wunnhaiser fir d'Post am Domän Brameschaff zu Kielen vum 04 Juli 2024 bis zu Ofschloss vun den Aarbechten; fir Aarbechte fir de Uschloss vu Glasfaser u Wunnhaiser fir d'Post an der Gassel zu Kielen vum 14 Juni 2024 bis de 26 Juli 2024; fir Aarbechte fir de Uschloss vu Glasfaser u Wunnhaiser fir d'Post A Bächel zu Kielen vum 14 Juni 2024 bis den 28 Juni 2024, fir Ausgruewungen an der „rue de Brameschhof“ an an der „rue des Champs“ zu Kielen vum 13 Juni 2024 bis de 26 Juli 2024; fir Aarbechte fir 3 Zebrasträife konform ze setzen op der Kräizung vun der „rue de Kehlen“, „rue de Mersch“ a „rue de Meispelt“ zu Keespelt vum 24 Juni 2024 bis zum Ofschloss vun den Aarbechten.

17. Berodend Kommissiounen

17.1. Ëmwelt- an Energiekommissioun – Ernennung vun engem Sekretär

An engem geheim Vott ernennt de Gemengerot den Här Joël Blei Sekretär vun der Ëmwelt- an Energiekommissioun

WELTER

Expertise Comptable & Conseil Fiscal

Comptabilitéit an Steiererklärungen fir
Betriber an Privatleit

Comptabilité et déclarations fiscales pour
entreprises et personnes privées

Buchhaltung und Steuererklärungen für
Unternehmen und Privatpersonen

Welter Sàrl

50A, rue de Mamer
L-8280 Kehlen

Tél : 26 10 35 26
info@welter-luxembourg.lu

www.welter-luxembourg.lu



17.2. Ëmwelt- an Energiekommissioun – Ernennung vun engem Member

De Gemengerot ernennt, op Proposition vum Schäfferot an unhand vun engem geheime Vott, den Här Kevin Urbing als Member vun der Ëmwelt- an Energiekommissioun déi sech elo follgendermoossen zesummesetzt:

N°	Nom / Prénom		Fonction	Localité
1	BREDEN Guy	CSV	Président	Kehlen
2	BINCK-GESCHWIND Cheryl	CSV	Membre	Kehlen
3	BIVER Alain	CSV	Membre	Kehlen
4	BLEI Joël	LSAP	Secrétaire	Kehlen
5	vacant	LSAP	Membre	Kehlen
6	FRANTZEN Maryse	DP	Membre	Olm
7	SCHMITZ Jean-Claude	déi gréng	Membre	Olm
8	LANNERS Marc	neutre	Membre	Keispelt
9	PICARD Marc	neutre	Membre	Kehlen
10	SCHLEISER Franz	neutre	Membre	Kehlen
11	PELLER Franky	neutre	Membre	Keispelt
12	URBING Kevin	neutre	Membre	Nospelt
13	SCHROEDER Claude	neutre	Membre	Kehlen

17.3. Inclusiounskommissioun – Demission vun engem Member

Unhand vun hirem Bréif vum 20 Mee 2024, huet d'Madamm Sandrine Massard hire Wonsch geäussert fir als Member vun der CSV an der Inclusiounskommissioun ze demissionéieren. Doropshin accordéiert de Gemengerot der Madamm Sandrine Massard Demission aus der Inclusiounskommissioun déi sech da follgendermoossen zesummesetzt.

N°	Nom / Prénom		Fonction	Localité
1	JUNG Norbert	CSV	Secrétaire	Nospelt
2	KOHNEN Guy	CSV	Membre	Nospelt
3	vacant	CSV	Membre	
4	REHLINGER Sandra	LSAP	Présidente	Kehlen
5	BACK Joan	LSAP	Membre	Olm
6	CASEY Wendy	DP	Membre	Keispelt
7	BONIFAS Larry	déi gréng	Membre	Nospelt
8	PEREIRA-PACIOTTI Patrizia	neutre	Membre	Olm
9	LIESCH Camille	neutre	Membre	Olm
10	RIEDEL-MAHR Nora	neutre	Membre	Keispelt
11	LINK Marie-Claire	neutre	Membre	Nospelt
12	SOW Momar Tallar	neutre	Membre	Kehlen
13	MARTIN Paul	neutre	Membre	Kehlen

18. Punktuell Modifikatioun vum PAG „Am Aker“ zu Kielen

A senger Sëtzung vum 27 Oktober 2023, huet de Gemengerot decidéiert déi punktuell Modifikatioun vum PAG „Am Aker“ zu Kielen, déi vum Ingenieurbüro Luxplan S.A. vu Conter a hirer Versioun vum Oktober 23

erstallt huet, an d'Prozedur ze ginn. Dës Proposition fir d'punktuell Modifikatioun vum PAG „Am Aker“ huet als d'Zil d'Upassung vun der Ofgrenzung vun der Zon déi dem PAP NQ ënnersteet um Uert Am Aker, fir eng gutt Ausféierung vun der Entwécklung vum „Développeur S-Buildings“ ze garantéieren. Verschidden Deeler vum Site ënnerleien engem PAP QE bei dem verschidden Dispositionen a Reglementer et net erlaben de PAP a sengem aktuellen Zoustand ze realiséieren. An deem Kontext, approuvéiert de Gemengerot d'MOPO PAG „Am Aker“ zu Kielen déi op Initiativ vum Schäfferot vum Ingenieurbüro Luxplan S.A. vu Conter, a senger Versioun vu Juni 2024, ausgeschafft gouf.

19. Punktuell Modifikatioun vum PAP QE Am Aker Kielen

An senger Sëtzung de 25 Oktober 2023 huet de Schäfferot decidéiert, d'punktuell Modifikatioun vum PAP QE Am Aker zu Kielen, Versioun September 2023, laut den Dispositionen vum Artikel 26, Paragraph 2, Alinea 2 vum Gesetz vum 19 Juli 2024 iwwert de kommunalen Amenagement an déi urbanistesche Entwécklung, an d'Prozedur ze ginn. De Gemengerot approuvéiert dës punktuell Modifikatioun vum PAP QE Am Aker vun der Gemeng Kielen esou wéi se presentéiert gouf.

20. Aarbechte fir Reparatiounen a Renovatiounen am Kulturzentrum zu Nospelt – Devis

Den technesche Service vun der Gemeng huet de 17 Juni 2024 en Devis fir Reparatiounsaarbechten a Renovatiounsaarbechten am Kulturzentrum zu Nospelt fir e Montant vu 74.500€ HTVA (87.165,00€ TTC) opgestallt. Dësen Devis ëmfasst d'Rubricke Renovatiounsaarbechte fir e Montant vun 18.500€ HTVA, d'Sanéierung vum Flaachdaach fir e Montant vu 50.000€ HTVA esou wéi Verschiddenes fir e Montant vu 6.000€ HTVA. Deemno approuvéiert de Gemengerot dësen Devis.

21. Floumaart fir Jugend- a Kannersaachen - 21st Editioun – Dekont a Subsid

De Receveur Serge Harles huet en Dekont bezüglech dem Floumaart fir Jugend- a Kannersaachen -21st Editioun, deen den 28 an 29 Abrëll 2023 zu Keispelt stattfonnt huet an dee vun der Jugendkommissioun an Zesummenaarbecht mat den Associatiounen organiséiert gouf, den 20 Juni 2024 opgestallt. Dës Floumaart huet e Boni vu 6.882,10€ generéiert. De Schäfferot proposéiert, op Proposition vum der Jugendkommissioun

en Don vu 7.500€ un d'Associatioun „Caritas Jeunes et Famille asbl habitation SLEMO (Service Logement En Milieu Ouvert)“, mat engem Appartement zu Kielen, ze spenden. Dovunner iwwehëlt d'Gemeng Kielen Differenz vun dësem Boni an dem Don dee gespent gëtt, nämlech 617,90€. De Gemengerot approvëiert dës Propositioun.

22. Floumaart fir Jugend- a Kannersaachen – 22st Editioun – Dekont a Subsid

De Receveur Serge Harles huet en Dekont bezüglech dem Floumaart fir Jugend- a Kannersaachen -22st Editioun, deen den 29 an 30 September 2023 zu Keespelt stattfonnt huet an dee vun der Jugendkommissioun an Zesummenaarbecht mat den Associatiounen organiséiert gouf, den 20 Juni 2024 opgestallt. Dëse Floumaart huet e Boni vu 5.412,27€ generéiert. De Schäfferot proposéiert, op Propositioun vum der Jugendkommissioun en Don vu 7.500€ un d'„Fondation Sarah Grond“ ze spenden. D'Gemeng Kielen iwwehëlt Differenz vun dësem Boni an dem Don dee gespent gëtt, nämlech 587,73€. De Gemengerot approvëiert dës Propositioun.



Simulez les montants des aides pour vos projets d'habitat et de mobilité durables

Vous voulez isoler votre logement, vous débarrasser de votre vieille chaudière à mazout ou encore produire votre propre électricité ? Vous envisagez d'acheter un véhicule électrique ou d'installer une borne de charge à domicile ?

- RDV sur aides.klima-agence.lu pour simuler les montants des aides dont vous pouvez bénéficier
- Obtenez une appréciation complète des subsides : étatiques, communaux et des fournisseurs d'énergie
- Ce simulateur vous fournit des informations solides pour entamer les discussions avec votre artisan.

Conseil indépendant et gratuit : aides.klima-agence.lu • 8002 11 90